



Sujet: 1993

## Jetzt sprütze mir

Euses Sujet in Ehre,  
Diemer Euch do erkläre,  
Dass Ihr wüset was in Zuekunft chunnt,  
gömer derä Sach uf ä Grund.  
Es isch äs Sujet ohni G'hetz,  
denn es handelt vom neue Fүүrwehr-G'setz.

Euse Wage, me g'sehts jo, so glaubi,  
zeigt bim verbyfahre äs Fүүrwehrauti.  
Mir obe druff, de darfsch eus traue,  
sind die erschte Prattler Fүүrwehr-Fraue.

Fүүrwehr unter Männer s'isch verby,  
dört schnure d'Fraue au scho dry.  
Es isch zwar scho ä bits zum Lache,  
dass d'Fraue dörfe Fүүrwehr mache.  
Bim schnure sind's dr Hit,  
doch bim lösche haltä si nit mit.

Jetzt händ's sie's Gschänk, diä Emanze,  
wen's am Cherus wänd go tanze.  
Und uff eimol, eifach und schlicht.,  
irgendwo z'Prattele äs Fүүr usbricht.  
Denn heisst's: Statt uf dr Tanzflächi umehüpfe,  
zahle, hei und in'd Uniform schlüpfe.  
Drumm säge mir's schnell und churz,  
das händer jetzt vo dem Glichberächtigungs-Furz..

Samschtnomittag halbi drei,  
z'mitts im Dorf, äs riesä G'schrei, äs schnättere, schnättere, schnättere,  
schnättere, schnättere, schnättere, schnättere, schnättere,  
schnättere, schnättere, schnättere, schnättere,  
ä so tönt ä Fraue-Füürwehruedig z'Prattele.

Dschungel, Shampo, Wash and go,  
Bodylotion, Intimspray und Deo,  
Wimperetuschi, Lidschadde, Lippestift,  
Make up, Puder und no me so Gift,  
All die Sache, s'blibt dr bi,  
het jedi Füürwehrfrau derbi.

Wenn s'Schmitti-Kaffi emmol duet brenne,  
gsesch uf em Dorfplatz d'Füürwehrfraue umerenne.  
S'End vo dem Traum isch bekannt,  
s'Kaffi isch bis uf'd Grundmure abebrennt.  
Dr Brüderli Toni sait und flippt us,  
den de Maa chunt scho drus:  
„Liebi Lüt, es duet mir Stinke,  
wiso muend sich die Fraue vor em lösche no schmike?“

Manne loset ganz genau,  
mir beschribe euch d'Uniform für d'Frau.  
S'Oberteil in schwarz, s'betont dr Buse,  
undedure en Rock, gar nit zum gruse.  
Für d'Gummistifel gits au Ersatz,  
rotiSchue, natürlich mit Absatz.  
Für d'Bei, das sind jo d'FraueTrümpf,  
empfele mir schwarzi Netzli-Strümpf.

Fertig mit Läse, so das wärs,  
doch halt, jrztz in eigener Sach no en Värs.  
Mit eusem Sujet düen mir brilliere.  
Doch chönemer au no jubiliere.  
Z'Prattele kennt me eus scho bald,  
denn mir sind scho – 5 – jööhrlig alt.  
Das isch kei Gag, sondern wohr,  
also Tschau zäme bis zum nächste Johr.